


# 《淨土十疑論》 補充講表

◎附表十三：

○問：西方去此十萬億佛剎，凡夫劣弱，云何可到？（以下糅合《彌陀要解》）



※《彌陀要解親聞記》云：「此一念心性，清淨本然，周遍法界。橫豎賅羅，無有邊際。既

此一念之心，不可窮盡，則知依心所現，十方世界，亦不可窮盡。」

※《彌陀要解講義》云：「信理者，以法界為理。深信十萬億土，無量事境，實實不出我今

現前，介爾一念心外。介爾者，微小之謂也。以吾人現前一念心性雖然微小，體即法界；本來廣大周遍，實無有外。喻如虛空，廣大周遍，虛空無外，一切世界，皆在虛空之內。心性廣大周遍，心性無外，極樂即心內之極樂，故曰：不出。」

※《阿彌陀經要解》云：

問：西方去此十萬億土，何得即生？

十萬億土，不出我現前一念心性之外，以心性本無外故。

答：又仗自心之佛力接引，何難即生？

如鏡中照數十層山水樓閣

層數宛然，實無遠近。

一照俱了，見無先後。

○臨終在定之心，即是淨土受生之心。……彌陀佛國，去此不遠。

※《淨土生無生論》云：「若人臨終時，能不失正念，或見光見華，已受寶池生。……所

以爾者，蓋西方極樂世界，乃吾心之一土耳；娑婆世界，亦吾心之一土耳。約土而言，有十萬億彼此之異；約心而現，原無遠近。」


※《淨土生無生論講義》云：「約土之事相而言，則有彼此遠近之幻相。約心之理而觀，

則彼亦唯心，此亦唯心，本無遠近可別也。」

◆已願已生，今願今生，當願當生，正顯依信所發之願無虛也。

◆問：今發願但可云當生，何名今生？

答：此亦二義



◆只今信願持名，蓮萼光榮，金台影現，便非娑婆界內人矣。極圓極頓，難議難思，唯有大智，方能諦信。（以上糅合《阿彌陀經要解》）

※《成唯識論觀心法要》卷三云：「稱之兩頭，以喻因果。稱之低昂，以喻生滅。低昂時等，以喻生滅同一剎那，無有前後也。」

※《徹悟禪師語錄》云：「苟以此心緣念彌陀，求生淨土，得不見佛往生乎？但此一念不可僥倖而致，必須存之以誠，操之有素。是故吾輩於此一句彌陀，千念萬念，以致終日終年念者，無非為熟此一念而已。果得一念純熟，則臨命終時，惟此一念，更無異念。智者大師云：【臨終在定之心，即淨土受生之心。】惟此一念，更無異念，非在定之心乎？念果如是，不見彌陀，更見何人？不生淨土，更生何處？只恐吾人自信不及耳。」

※《念佛三昧寶王論》云：「又問：一念十念，往生淨土，何者為正？對曰：但一念往生，

住不退地，此為正也。如佛所說，謗佛毀經，打僧罵尊，五逆四重，皆一念惡業成，墮無間獄，猶如箭射。今之念佛生於淨土，亦一念善業成，即登極樂，猶如屈臂。前一念五陰滅，後一念五陰生，如蠟印印泥，印壞文成，尚不須兩念，豈要至十念哉！」

○即如韋提夫人，是請生淨土主，及五百侍女，佛授記悉得往生彼國。

※以下糅合《佛說觀無量壽佛經》

一、夫人悟道無生

◆爾時世尊說是語時，韋提希與五百侍女，聞佛所說，應時即見極樂世界廣長之相。得見佛身及二菩薩，心生歡喜，歎未曾有，豁然大悟，逮無生忍。

二、侍女發心往生

◆五百侍女，發阿耨多羅三藐三菩提心，願生彼國。世尊悉記，皆當往生。生彼國已，獲得諸佛現前三昧。

○女人及根缺，二乘種不生。

※《往生論》云：「大乘善根界，等無譏嫌名，女人及根缺，二乘種不生。」

○但論生彼國，無女人及無盲聾瘖瘂人（瘖瘂：無聽能又無語能的人）。

○《無量壽經》四十八願云：「設我得佛，十方世界一切女人：更受女身者，不取正覺。」

△第三十五願、脫離女身（以下糅合《佛說無量壽經》）

◆設我得佛，十方無量不可思議諸佛世界，其有女人，聞我名字，歡喜信樂，發菩提心，厭惡女身，壽終之後，復為女像者，不取正覺。